

Zbog sporosti i nesnalaženja državnih institucija BiH gubi stotine miliona eura neučestvovanjem na tržištu emisija ugljen dioksida, rečeno je na skupu Energa 2016 u Tuzli, koji je juče završen.

U Evropskoj uniji se na tržištu emisija ugljen dioksida obrću milijarde eura.

Zemlje koje smanjuju emisiju ugljen dioksida u atmosferu povlače sredstva iz zajedničkih fondova kao svojevrsnu nagradu, ili kompenzaciju za investicije u ovom sektoru.

Bosna i Hercegovina nije, nažalost, pokazala validne podatke o količini emisija ugljen dioksida, pa je prema nekim stručnjacima već izgubila zbog toga 300 miliona eura.

- Mi bismo mogli tim emisijama izaći na tržište ili razvijeti industriju u okviru tih emisija bez finansijskog troška, ili da povučemo sredstva i damo svoja prava na emisije iz 1990. drugim korisnicima. Međutim, BiH je neozbiljna zemlja za ovako ozbiljan posao, kaže dr. Edin Delić sa Rudarsko geološko građevinskog fakulteta u Tuzli.

Posljednjeg dana sajma prezentirana je ideja o osnivanju virtualnog instituta za energiju.

Ideja je da se u formi web portala prezentira energetska potencijal zainteresiranim investitorima.

izvor: indikator.ba